

lokal

Oleh Nurul Husna Mahmud
nurul_husna@hmetro.com

'Kuala Lumpur bandar paling mesra di dunia'

Kuala Lumpur

"Kuala Lumpur memang layak dinamakan bandar paling mesra di dunia kerana sentiasa buat orang pertama kali berada di sini terus selesa dan jatuh cinta.

"Saya sendiri sebaik keluar dari lapangan terbang, masuk ke bandar, tidak berasa terasing sebaliknya seperti pulang ke negara sendiri," kata Pensyarah Violin Fakulti Seni Kreatif Universiti Malaya (UM) Dr Chang Yi-Li.

Sejak 2018, beliau berhijrah ke Malaysia atas minat untuk menjadi tenaga pengajar muzik, dia tidak menafikan layanan rakyat tempatan antara perkara yang membuatnya terasa sentiasa dialu-alukan.

"Saya perasan, cara orang tempatan, biarpun tinggal di bandar, mereka suka merayakan kehadiran orang baru terutama ekspatriat untuk mengenali budaya.

"Saya pernah seharian menghabiskan masa merayakan Aidiladha di

Yi-Li tak rasa terasing sebaik jejak kaki di ibu kota

rumah seorang rakan sekerja. Menariknya, biarpun kali pertama kenal, mereka menyapa seolah-olah saya ini sebahagian ahli keluarga.

"Menyebabkan saya lebih kagum ialah semua ahli keluarga berkumpul dan melakukan aktiviti bersama seperti makan serta berbual sepanjang hari.

"Benarlah cerita rakan saya yang pernah berkunjung ke Malaysia sebelum ini mengenai keunikan Malaysia terutama dalam bab makanan dan orang tempatan," katanya yang pernah menetap di Ame-

rika Syarikat bagi melanjutkan pengajian dalam Sarjana Muzik Awal.

Tambah Yi-Li, keunikan pelbagai bangsa juga menjadikan Malaysia penuh warna-warni terutama muziknya.

"Saya pernah menyertai atau terlibat secara tidak langsung dengan satu kumpulan muzik India. Itu membuka perspektif muzik di Malaysia terutama klasik yang cukup dipelihara masyarakatnya.

"Saya juga berasa, ekspatriat boleh tinggal di Kuala Lumpur kerana mereka boleh

rasa 'kemesraan' itu menerusi makanan. Saya adalah peminat makanan kampung dan sajian paling disukai ialah soto. Saya boleh memakannya setiap hari.

"Sebenarnya, saya rasa sudah menjadi seperti orang tempatan apabila selesa dalam komuniti tempatan," katanya.

Beliau turut mengakui tiada masalah untuk mendapat apa sahaja keperluan apabila tiba di Kuala Lumpur kerana rakan sekerja di kampus banyak memberi saranan untuk menyesuaikan diri di Kuala Lumpur.

YI-LI menggemari makanan tempatan terutama soto.



"Benarlah cerita rakan saya yang pernah berkunjung ke Malaysia sebelum ini Yi-Li



KUALA Lumpur sebuah kota raya yang sarat dengan keunikan.